



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Deum homine in finities esse clementiorem, in Carpi Episcopi historia demonstratur.

urn:nbn:de:hbz:466:1-45653

doleret, quod me offendisset atq; contempisset, & in misericordia mea fideliter speraret, ipse eam certissime inueniret: quoniam in infinitum maior est ipsa misericordia mea, quam sint omnia peccata, que unquam fuerunt commissa, vel que committi possunt ab aliqua creatura.

Cogitant nonnulli, Si ego Deus essem, nequaquam tot homines damnarem: ita tacite, immo satis aperte, suam putare maiorem esse, quam Dei Bonitatem. Sed falluntur amentissime, cum illorum Bonitas sit exigua, Dei autem infinita, sempérque homines sint, ad vindictam, diuinā illā misericordiā proniores.

Cuius rei luculentum D. Dionysius Areopagita recenset exemplum. Carpo Episcopo multa diuinitus erant reuelata, inter quae ipse Sancto Dionysio hoc visum denarravit. Abduxerat idololatria quispiam Ethnicus, à Christi fide & Ecclesia, hominem Christianum.

D. Dienys.
Areop. Epist
ad Demo-
phil.

Displieuit & illius effectio, & huius defectio tantopere Carpo, ut nimio quodam Zelo contactus, iudicaret, eos vita indignos esse, indignosque, quos terra sustineret. Quare Deum impensè precatus est, ut amborum vitam repente extingueret. Voluit hunc serui sui errorem corrigere diuina Bonitas. Tale ergo illi visum obtulit. Aspicienti sursum videbatur se se cælum aperire, ac longè latèque diductum I E S V M Saluatorem, in lucidissimo throno, summa cum maiestate, sedentem exhibere, circumsecus Angeli, sine numero, mūlti, & præ sideribus fulgidi astabant. Talis erat aspectus cæli. Inde cum ad inferiora oculos reduxisset Carpus, profundissimam quandam confexit voraginem, viperis anguibúsque horridissimis refertam. In crepidine extrema voraginis, duo illi, quos è vita eliminatos volebat, velut in lubrico, ac præcipiti, & ruinæ proximi, tremebundi & misera-biles consistere videbantur. Impulisset eos Carpus, si propinquior illis adfuisset: nam & grauiter ferebat, eos non protinus absorberi, sicut Dathan & Abiron quondam. Sed nesciebat, cuius spiritus esset. Igitur, oculis iterum in cælum ire iussis, vidit clementissimum I E S V M misericordia tactum, è sublimi illo suo throno consurgere, cælestique sede relicta, ad illos ipsos duos miserandos homines in terram descendere, eisque manum benignissimam porrigere; quibus & Angelorum illa infinita multitudo Dominum suum comitata opem ferebat. Hoc spectaculo, cum attonitus esset Carpus, conuersus ad eum I E S V S his ferè verbis Clementiam suam expressit, omni vtique humana clementia su-

periorem: *Paratus sum, Carpe, iterum, pro saluandis hominibus, pati: & istud mihi gratum est, modò non alij homines peccent. Tu autem, in spice, an tibi vtile sit, illam cum serpentibus mansjonem preferre Dei, ac bonorum clementiumque Angelorum consortio. Hac visione monstratur, quàm longè Dei Iudicia, Iudicijs hominum sint mitiora.*

VIII.

Profectò si Deus hominibus suam iudicariam potestatem traderet, si non omnes, saltē longè plures quotidiū ad Orcum mitterentur. Non illi orarent, pro ijs, à quibus lāduntur, non eis se se amabiles, sed feros, sed truces, sed truculentos exhiberent.

*Apud Lud. Blos. Monil. spir. cap. 1. Alius est Deus, qui S. Gertrudi hæc aliquando dixit: *Vulissimum foret, homines scire, & in memoria semper habere, quòd ego Virginis Filius, pro salute eorum aſto ante Deum Patrem: & quandocunq; ipsi ex humana fragilitate delinquunt corde suo, offero pro eis Deo Patri cor meum immaculatum, in emendationem. Quando verò offendunt opere, exhibeo manus meas perforatas: Et ita in quibuscumq; delinquunt, statim innocentia mea placito Patrem, vt illi pénitentes facilem semper obtineant veniam peccatorum.**

*Hoc non facerent homines, aut certè rarissimi sunt, coque magis laudandi, qui imitantur. Et si vel maximè imitantur, quantum non sentiunt, in animo, luctam? quas pugnas non experiuntur? Deus autem quàm Bonus sit, ex eadem Virgine Gertrude intellige. Audierat illa aliquando, pro concione, *Neminem posse salutem consequi, nisi saltē tantillum veracharitatis habeat, ut ex amore Dei péniteat abstineatq; à peccato: ipsa apud fe cogitabat, plurimos migrare ex hac vita, qui videntur péniteremagis umore geberne, quàm Dei amore.* Talia voluenti Benignissimus cælestis Pater, in hunc modum, respondit: *Quando video illos agonizantes, qui mei unquam dulciter recordati fuerunt, vel aliquid meritorij operis peregerant, in ipso mortis confinio, exhibeo eis me tam pium, amabilem, & benignum, ut ipsi ex intimis cordis medullis doleant, quod unquam me offenderint: ac per talē pánitentiam apti redduntur ad salutem consequendam, & perire non possunt.**

Hæc vera esse, in cælo videbimus, & Iudicia Dei amore, misericordia, benignitate permista agnoscentes, clementiam diuinam æternū cantabimus. Nunc satis est intelligere, quàm mitem etiam in hostes Dominum habeamus. Mirati sunt olim Fauorinum homines, quòd cum Imperatore simultatem gerens viueret: ô quàm multi viuunt, & æternū viuent, qui gerunt cum Deo simultatem! sed, eo miserrante, resipiscunt, Tantus amor Creatoris, tanta Numinis misericordia!

Blos. Ibid.